

皇朝經世文新編

一
函十二冊



皇朝經世文新編卷八目錄

礦政

請通飭開辦礦務鼓鑄銀圖摺

議覆王御史開辦礦務鼓鑄銀圖摺

奏請各省開礦摺

奏請開辦遼東礦務摺

擬開辦奉天東邊礦務章程

四川礦務章程

湖南礦務總局章程

查勘萍鄉煤礦情形條陳

論中國煤礦

上李伯相論漠河開礦事宜稟

中國滿洲金礦情形

論採金要法

論中國以金礦予英

光緒十七年天下各國所出金銀數表

美國礦產考見

論東洋銷煤大局

王鵬運

戶部

陳其璋

徐克唐

貴鐸

惲積勛

英人閻名

馬建忠

關名

英人閻名

英人閻名

美國鑄錢局

英人閻名

日本井上幹

礦政

請通飭開辦礦務鼓鑄銀圓摺

王鵬運

奏為制錢日少產銅日稀民用太絀請 明諭天下開辦礦務鼓鑄銀圓以塞漏卮而維大局恭摺仰祈 聖鑒事竊近日以來京師錢價日貴銀價日賤咸歸咎於私鑄之充斥銀號之把持而不知皆非也邇來東南各省紋銀每兩僅易制錢千二百文洋錢每圓僅換制錢八百餘文銀賤錢貴有甚於京師者蓋其間有大漏卮焉不可不亟思補救也當光緒十一二年間越事初定即有倭人串同內地奸商以銀易錢裝運出口以致各省錢價陡長銀價愈低於時乃有鼓鑄制錢之議滇南產銅日少遂不得不購買洋銅俟商購去中國制錢將其中金銀提出已數購錢資本及購銅議起復以淨銅售諸中國本一而息三倍之天下之利孰有大於是者此皆由中國商人不通化學當開關絕市之時尚可無虞外洩通商以來若固守成規不思變計則旁有大盜其覬覦而盤剝之也亦固其宜此次倭索償款多至二萬三千餘萬彼以一萬萬兩購錢出口可買盡中國制錢以我之矛陷我之盾則制錢立竭銅產不多官力無可挽回民間不能不用其必至於潰敗決裂窮而思亂明矣各省禁錢出口獨未查禁輪船外洋不用中國銅錢其運錢出口何為者應請 旨飭下總署通行各口稅務司嚴查充公不得絲毫徇縱此節流之法也然稅司習氣恒刻待華商而寬待洋商利之所在人所必趨雖法禁綦嚴仍將百計偷漏非善變通之法決不足以支危局而開利源其策有二請為 皇上縷悉陳之一曰鑄銀圓九州作貢三品兼權周初九府泉刀始專以銅錢濟用迄今民用繁而銅礦少加以外人盤剝流弊已深乾隆時美洲銀礦大開皆運至中國現銀日多而不自鑄銀錢以利民用此何說也況比年來中國黃金出口由三百萬增至二千餘萬兩如不自鑄金錢則國寶全空終受外人控制應請 旨飭下戶部購買極大機器鼓鑄金銀銅三品之錢金錢輕重略仿英磅大小銀錢用鄂粵鑄成之式鑄成後頒發各省 諭天下一體通行各省亦一律鼓鑄以資利用仍 特派大臣總理其事惟救急之法則宜先鑄銀錢明春錢價必大漲度購機 運京建廠設局約需一年廣東鑄銀局機器甚大每日可鑄銀錢七萬餘圓銅錢九萬餘串應請 飭下戶部先撥銀三百萬兩專鑄大小銀錢運京使用通行各省善款運粵制錢俟機器到京廠屋齊備即由京局辦理此變通之法一也二曰開礦政中國五金各礦藏地下者不可勝數徒以封禁大利不開比年西士考察及中國土人所知者如川藏之金礦銅礦江西湖南之銅

鑛金鑛煤鑛雲南兩廣之五金各鑛奉吉之金鑛山西河南之煤鐵鑛皆以官吏貪圖省事不願開採小民本小力微無由上達藏金銀於地下而懷寶啼飢甚無謂也應請 特諭天下凡有鑛之地一律准民招商集股呈請開採地方官吏認真保護不得阻撓俟鑛利既豐然後按十分取一酌抽稅課一切贏餘官不與聞如鑛產微即行裁撤認真辦理則把持壟遏諸弊一掃而空期以十年鑛產金開民生自富而國用猶有不足國勢猶有不強者未之有也此變通之法二也夫窮則變變則通通則久苟非時勢所迫人孰不欲習故安常坐享無事之福無如民窮國匱財用不足尚有日本及西洋各國虎視耽耽倘持太阿之柄不籌一救弊之法何以安我蒸黎保國強宇惟希 宸斷採納迅賜施行天下幸甚謹摺上陳伏乞 皇上聖鑒謹奏

議覆王御史開辦鑛務鼓鑄銀圓摺

戶部

奏為遵旨會議 具奏恭摺仰祈 聖鑒事光緒二十一年十一月十五日准軍機處片交本日御史王鵬運奏制錢日少產銅日絀請禁止輪船運錢出口並開辦鑛務鼓鑄銀圓以維大局一摺欽奉 諭旨著戶部總理各國事務衙門議奏欽此欽遵並抄錄原奏知照前來查原奏內稱近來京師錢價日賤咸歸咎於私鑄之充斥銀號之把持而不知皆非也其間有漏卮不可不亟思補救當光緒十一年間越事初定即有倭人串同內地奸商以銀易錢裝運出口以致各省錢價陡長銀價愈低於是乃有鼓鑄制錢之議滇南產銅日少遂不得不購買洋銅俟商購去中國制錢將其中金銀提出已敷購錢資本及購銅議起以淨銅售諸中國本一而息三倍之天下之利孰大於是此次倭索償款多至二萬三千餘萬彼以一萬萬兩購錢出口可買盡中國制錢各省禁錢出口獨未查禁輪船外洋不用中國銅錢其運錢何者為應請 旨飭下總署通行各口稅務司嚴查充公不得徇縱此節流之法也然利之所在人所必趨雖法禁基嚴仍將百計偷漏非籌變之法不足以支危局而開利源其策有二一曰鑄銀圓九州作育三品兼權周初九府泉刀始專以銅錢濟用迄今民用繁而銅礦少加以外國人盤剝流弊已深乾隆時美洲銀礦大開皆運至中國現銀日多而不自鑄銀錢此何說也比年來中國黃金出口由三百萬增至二千餘萬如不自鑄金錢則國寶金空 受外人挾制應請 旨飭下戶部購買極大機器鼓鑄金銀銅三品之錢金錢畧仿英磅大小銀錢用鄂勇鑄成之式鑄成後頒發各省 諭天下一體通行各省亦一律鼓鑄以資利用仍 特派大臣總理其事惟緩急之法則宜先鑄銀錢明春錢價必大漲度購機運京建廠設局約需一年廣東鑄銀局機器甚大每日可鑄銀錢七萬餘圓銅錢九萬餘串應請 飭下戶部先撥銀三百萬兩專鑄大小銀錢運京備用通行各省籌款運粵鑄錢俟

機器到京廠屋齊備即由京局辦理一日開礦政中國五金各礦藏地下者不可勝數徒以封禁大利不開比年西去考察中國
 土人所知者如川藏之金礦銅礦江西湖南之金礦銅礦煤礦雲南兩廣之五金各礦山西河南之煤鐵礦奉吉之金礦皆以
 官吏貪圖省事不願開採小民本少力微無由上達應請 特諭天下凡有礦之地一律準民招商集股呈請開採地方官吏
 認真保護不得阻擾俟礦利既豐然後按十分取一酌抽稅課一切贏絀官不與開期以十年礦產全開民生自富各等語臣
 等竊維理財之要與利與除弊不外因時以制宜自通商互市以來中國金銀流出外洋者歲以數千萬固不徒制錢一端為
 然也即以制錢論洋商輸運出口原難保其必無而鑛務未興鼓鑄應需銅鉛仍從外洋購取是其流不能節源不能開國計
 民生所由日以蹙也當此時局艱難度支告匱自宜取天地自然之利收 國家自有之權設法變通誠為當務之急該御史
 原奏內稱各省禁錢出口獨未查禁輪船應請通行各海口稅務司嚴查充公不得徇縱一節總理各國事務衙門查成豐八
 年議定通商章程善後條約第五款內載銅錢不准運出外國惟通商中國各口准其以此口運至彼口照現定章程遵行該
 商赴關報明數目若干運往何口或令本商及同商二人聯名具呈保單抑或聽監督飭令另交結實信據方准給照別口監
 督於執照上注明收到字樣加蓋印信從給照之日起限六個月繳銷若過期不繳銷執照即將其錢貨原本照數罰繳入官
 其進出口均免納稅至載船無論淺滿均納船鈔等語是查禁輪船載運銅錢本有成約該御史所奏奸商偷運如此之多究
 由何關出口輾轉出洋未據聲敘應由 臣衙門轉飭各關道監督會同稅司申明約章切實辦理各該關出口銅錢歲約幾何
 是否概有保單執照其無單照之錢各該關曾否查出罰辦應令各該關監督稅司詳查聲復以後務當照約辦理毋或疏虞
 倘奸手人等徇情容隱被別口查出即治以應得之咎該御史所請禁錢出口並通行各海口嚴查不得徇縱自係嚴杜銅源
 外溢為維持國法要計嚴與約章相符自應照准又據奏稱非籌舉適之法不足以支危局而開利源其策有二曰鑄銀開曰
 開礦政各節戶部查銀圓之鑄創自外洋近則督 臣張之洞購置機器設局開辦於粵東現復試辦於湖北江浙粵閩流通甚
 便嗣後奏請仿照成法推行各省則有御史易俊陳其璋兩摺均經 臣部議准奏請咨令沿海沿江各省用意經營聲明務須
 考核成色流通使行尤以選派局員為第一要義已通行遵照各在案今該御史王鵬運請 諭天下一體通行各省一律鼓
 鑄與 臣部先後議覆各摺奏意見相同惟原奏內稱先鑄銀圓豫防錢價大漲請 飭下 臣部先撥銀三百萬兩由粵局專鑄
 大小銀錢運京備用俟購買機器到京廠屋齊備即由京局辦理等語查 臣部上年議覆御史陳其璋摺內亦有以京城開鑄
 工匠生疏不如仍就廣東湖北兩省已成之局加增成本竭力擴充此外沿海沿江各省亦可自行設局如購器設廠一時未

能應手則酌撥成本附粵鄂兩局分鑄現在各省尚未奏咨聲覆如粵局成本果能湊集增加各省畛域不分又復力籌附屬則成本較前倍鉅自無庸再撥庫儲應俟粵省及沿海沿江各省奏咨到日再由臣部妥議辦理至開辦礦政識時務者莫不以此為言惟必統利害以兼籌聯商民為一氣始能興辦上年九月臣部議得漕運總督松椿摺內業已按照原奏開到省分咨行各督撫將軍都統大臣詳細查明如境內有可開採之處確有把握准其奏明開辦現在亦未奏咨到部今該御史王鵬運請准民招商集股開採地方官吏認真保護不得阻撓鑛務既豐酌抽稅課一切贏蝕官不與聞等語既於公帑無虧尤與國課有益自應照准惟股分能否湊集有無獎混應由臣部再行咨令各產鑛省分釐定章程切實奏明報部如有奸商侵蝕股款及藉眾滋生事端仍責令地方有司從嚴懲辦地方官吏亦不得藉端勒索致干嚴參以上各條臣等祇知其利之可與而不能必其弊之悉去應請特頒諭旨飭下各省將軍督撫及海關監督轉飭稅務司一體遵照實力奉行不得視為故常仍前空言搪塞所有臣等遵旨會議具奏各緣由理合恭摺具陳伏乞皇上聖鑒再此摺係戶部會同總理各國事務衙門辦理合併聲明謹奏

奏請各省開礦摺

陳其璋

奏為鐵路既興宜廣礦利以裕度支恭摺仰祈聖鑒事竊以周官理財列井人之職漢史地志詳銅鐵之官誠以有國利賴農桑之外厥惟礦利為大近年已屢經各督撫奏請開採奉旨允准者如漠河之金礦開平之煤礦平泉之銅礦早經興辦他如嶧縣新疆湖北尚有數十處每苦于運售不易故風氣未能大開茲鐵路公司已奉持旨准辦數年之內必可觀成則各省有礦之處皆可陸續辦理轉運既便開採尤有把握今將有礦處所及利益情形敬為我皇上陳之中國五金煤鐵之富甲於地球久為西人所詆羨癸酉年西報稱德人游歷中國曾遵直隸山東湖南湖北等省探悉礦產極富煤礦尤多復聞山東山西雲南亦然與國博物院謂中國煤產以江西樂平山東萊州浙江江西及湖南等處為最而莫多於山西比利時議院謂中華土厚人稠金銀鐵錫四金之礦所在多有通國煤產十倍於英李提摩太時事論謂山西礦產曾經德人游歷稱該省煤鐵之礦品居多至三十餘萬英方里礦產之見於西人稱述者如此其見於臣工奏摺者如前兩江總督沈葆楨覆陳洋務事宜疏謂福建古田等處產鐵甚旺洋人用之皆以為鐵質勝於西洋前福建巡撫丁日昌海防條議稱磁縣平陸大同太原米脂等處皆煤多而佳濰縣萊蕪等處皆有煤而碗亦大鎮江之東南山煤鐵五金似皆可採浙江之金華福建之平定則有煤并各省產鐵尤多廣東之芝蔴鐵尤有堅力近日出使大臣許景澄所譯俄圖稱新疆和闐至庫布淖爾一帶共有金礦

十七處皆經俄人測繪可憑礦產之見于臣工奏報者又如此富蘊含積既若是之多外洋測探又如此之確擬懇 皇上飭封各督撫將軍遴派熟悉礦之員相度地脈擇要開採既可以固邊防并可以裕餉項查光緒六年西報稱西伯利亞與中國接壤每座界石相距三百里界間有二水直注俄境而發源則在中國境內近得金礦之總脈亦在江水發源處如界線作弓背形則江水之源應將俄國又英人卡卜登議云中俄之隔僅界一綫提封迤邐而南漸入佳境五金之礦偏于地中俄苟有意併吞何必舍近求遠前出洋大臣薛福成日記稱東三省內外蒙古地方產金最多土謝圖部與俄人接壤東西數百里到處產金恰克圖迤西之切貴河分流諸水金沙尤多俄人在切貴河挖金往往侵入華疆尤為邊圉之急患況近者法人議約即以雲南礦務為言與其漫藏而資以盜糧何如克事而絕其窺伺此礦務之有益于邊防也又查列國歲計政要載確稅一項計布國礦利二千三十萬九千六百八十大粒合銀八百九十三萬六千餘兩俄國金礦餘銀二兆六十九萬八百四十二磅合銀一千七十七萬三千餘兩比利時礦捐六十二萬八千福蘭格合銀十一萬九千餘兩英美兩國礦產至旺又四國日記稱俄人設礦學確律以經理其事稅入之數例取什一各國徵收鑛稅之法皆可仿行此礦務之有益于餉項也大約辦理之法邊塞要地可采善洋儒議之言就近調集兵營以資開採至腹地繁區可仿照西洋公司之例集股興辦商股如不足以官款濟之十年之後美利無窮居今日而策富強計無便於此者臣備員臺諫竊見時局之難庫儲之絀不敢安於緘默謹臚列異陳是否有當伏乞 皇上聖鑒施行謹 奏

奏請開辦遼東礦務摺

依克唐阿

奏為調員招商開辦奉天東邊銀鉛礦務緣由恭摺仰祈 聖鑒事據翰林院編修貴鐸散館分部呈改知縣繆潤校等會同呈稱竊維利國首在富強而富強以開採為急務奉天礦產饒裕甲天下如岫巖寬甸懷仁通化一州三縣礦山林立五金並度貴鐸等相居奉天曾眼同礦師詳勘得邊外寬甸縣屬之小荒溝小湯石北吊幌子一帶山勢蟬聯十數餘里鉛苗顯露虎面皆是又勘得懷仁縣屬之涼水泉子老營溝礦洞子等處深林陡澗之中銀沙顯露苗質頗佳夾道子大東溝二處現有銀錢亦頗暢旺又勘得通化縣屬之大小廟兒溝至大小羅圈溝其間數十餘里金銀鉛鐵各礦苗質頗旺又勘得邊裏岫巖州屬之黑島斜長二十餘里橫巨十餘里鉛鐵銅苗漫山遍地木耳山南尖頭一帶砵鐵並生統計各地勢均與某山相距遙遠或三四百里至八九百里不等實與 永陵龍脈無關且係僻壤荒山與民間虛墓田園全無妨礙若得及時興辦不惟有裨奉天一省而軍餉之供度支之裕可以計時而待貴鐸等前曾將銀鉛砂石逐細銘鍊每鉛砂百觔出淨鉛十餘觔銀砂十

勒領出足色紋銀十五兩是功效既不難求而需款尚非甚鉅今擬自寬懷所屬之小湯石等八處為始先辦銀鉛兩項暫依土法開採其餘勘定未開各礦應俟試辦得手逐漸擴充惟通盤核算將來買山置廠建屋修路砌蓋爐座購備柴炭延請礦師監覓夫匠以及薪工膏火各項費用約估本銀須二十萬兩方可集事貴鐸等現已招集商本兩千股每股百兩共計銀二十萬兩正業經寄存殷實舖戶以備臨時提用請自開工之日起予限半年試辦有效隨時報聞等情並詳擬章程繪具圖說呈請奏前來奴才伏查奉天礦務自弛禁開採以商股零星散布並無提綱絜領之人以致辦理半年迄無成效足以銀鉛各礦工本太鉅集資非易置為緩圖奴才曾於上年九月間奏報試辦金礦期滿未能暢旺情形欽奉諭旨仍著督飭承辦各員招集殷商多籌經費另立妥善辦法務期成效克臻將金銀煤鐵各礦逐漸推廣不得畏難苟安等因當經欽遵行知承辦各員妥議章程至今無進一善策者想見辦礦不獨集資為難即得人亦難今貴鐸等集資二十萬金呈請試辦銀鉛各礦俟得手後漸事擴充亦是先難後易之意所議章程各條尚覺切實不事鋪張但能經理有人或不至于虛糜工本查貴鐸才長心細堅定有為前年軍興奉旨發交奴才軍營差遣曾派充幫辦全營翼長代籌布置頗合機宜以之督理礦務斷不至一無展布有初鮮終合無仰懇天恩准調翰林院編修貴鐸來奉督辦東邊銀鉛礦務以廣利源惟事關奏調京員且核閱所議辦法尚未詳盡謹將遞到章程二十二條繕具清單恭呈御覽仍請旨飭下總理各國事務王大臣核議以昭鄭重除咨呈總理衙門督辦軍務處查核並咨戶部查照外所有調員招商集資開辦奉天東邊銀鉛礦務緣由理合恭摺具奏

皇上聖鑒訓示謹奉

擬開辦奉天東邊礦務章程

貴鐸

謹將酌擬開辦奉天東邊礦務章程二十二條恭呈鈞覽

一奉天東邊自光緒元二年開始分疆畫界地脈休養日久礦產暢旺現經履勘得岫巖州寬甸通化懷仁一州三縣產五金之礦者約十餘處均與啟運山風脈無關但若同時舉辦資本較鉅頭緒亦繁今擬先從寬懷屬境之小荒溝小湯石北吊幌子凉水泉子老營溝礦洞子夾道子大東溝等處試辦銀鉛兩項度幾費省效速其餘自不難循序漸進

一寬懷屬境銀鉛礦產會依土法鑄鍊每鉛沙百斤出淨鉛十餘斤銀砂十斤出足色紋銀十五兩餘均照同礦師試驗係確有把握除報課及開鑄工本一切費用外約計尚可獲有贏餘

一開採設局持招集商本二十萬兩分作二千股每股京市平松江銀百兩仿照各礦務局成章填制股票息摺給與收執以

憑交付官利贏餘其經營銀錢責任至重應由總辦商董協同股商公舉其人必須家道殷實素行公正設有虧短之處責令賠繳

一集股二十萬兩自合如數收足惟現擬先辦寬懷屬境銀鉛兩項只依土法開鑛先收四成之一辦理較為妥實如礦產遇旺相度機宜或須添購洋爐需本甚鉅即行登報使知預定收足日期另採收足股倘逐漸推廣尚須添本先儘舊股加增如舊股不願加時另招新股補數

一寬通懷岫四屬礦山甚多現只就寬懷屬境之小荒溝等八處入手俟有成效其餘即行次第開辦但人情趨利恐有貽誤或稱自備資本或另集商股前來分採則創辦者為其難繼起者享其成應請先行立案所有寬通懷岫屬境礦山凡與啟運山風脈無關者統歸一手經理庶免掣肘而息爭端

一招募商股先須發給股單息摺至局中諸事宜有應移會地方者有須隨時稟報者應請刊發奉天礦務總局關防一顆以資信守而昭慎重

一招商開採與官廠不同一切局中事宜統照商情辦理凡邀請商董及司事友人雖原係候補候選人員概不得立作委員名目以昭畫一

一承辦礦務首貴得人查各礦局章程凡股商資本在一萬兩至五千以上者准酌薦一友人入局任事倘所薦非人致有虧誤侵蝕各等弊一面由總辦撤退一面知照原人另薦妥人前來接辦如有虧短挪移責令原人賠補

一入股之人務將姓名籍貫詳細開列或非中國籍貫託名附入及暗將股票轉售外國人者一經查出立將股本銀繳送入官另招新股並由局移行地方官請提售股之人追還洋商本錢以免轉轄別生枝節

一開礦天匠人等專用本地有家業之人俾附近貧民藉得自食其力且免易聚難散之虞並取其連環的保方准入家工作工食從厚而約束從嚴免其滋事仍請地方文武營汛隨時彈壓照料如有因開山鑿石挖洞取砂等事致遭危險或至殞命者各安天命除由局酌給卹賞報官驗明立案外其親族不得藉端訛索

一股本銀收齊後擇股定錢莊票號分存生息開辦礦務一切應行需用之處隨時提用

一股本銀係開採需用在股者不得移作別用或因有事故只准將股票轉售不得抽回其轉售之先須持票赴局挂號以杜影射而重礦本

一開辦之始必須廣為招徠擬總局之外於京師奉天上海立分局三處京局瀋局滬局以期呼應靈通至交銀售票以及支付官利贏餘等事可就近辦理

一設局開辦務求節省所有局中公用及辦事司事書算等自不能不開支辛俸至總辦薪水則議俟開辦後諸事就緒再行開支以重公本

一集股開採自應依照各礦局章程盈虧一聽諸商其稅則釐金仰懇查照奏咨專章援案辦理以重帑項

一出入銀錢最關緊要每日立有流水簿每月立有月結簿每年立有總結簿由總辦商董協同司事公同核算年清年結登載申報俾大衆咸知平時賬簿凡附股之人均得入局查閱以示大公

一各商股本官利各礦局章程有以交銀日按年一分起息者有以見紅後按月一分起息二者均未得其平今仿照蘇州礦局新章擬以交銀之日起年終核算其利共得若干登明申報於次年正月按股分支俟一切辦理裕如常年一分起息不計閏按月支付以昭平允

一各商股單摺如有遺失須邀公正殷實之人作保報明單號商名由局查核外仍由該商將因何被失及單摺名號登載各新報作為廢紙俾人人皆知兩月後無人過問方准補給此後倘有葛藤俱惟該保人是問與本局無涉

一商董執事各友薪資應由總辦酌核定數登明冊簿按月開支分文不准預支挪移除局中房租飯食油燭筆墨紙張各項開銷公賬外其餘概不得濫行支取

一結賬分紅宜先明定章程茲擬按年清結一次以十二月為期除完稅課及局中公費薪水外所有盈餘以十成核算八成作為股商溢利按股均分其二成作為紅股論功分派以示鼓舞

一開辦基始同人備極艱辛辦成之後或因他故或年老不入此局除薪水開除外所有酬勞應酌給十五年以昭獎勵一到山開採應購地設棧及雇覓人夫暨收放運銷運解各事宜統俟開辦後酌核情形再當續議刊刻俾供衆覽

一以上所擬各條不過僅陳大概已蒙總署議奏奉旨准行其詳細章程仍當參酌各礦局新章兼采輿論核擬詳定務期悉臻妥善一俟軍憲批准立案再行續刊

四川礦務章程

一擬籌股本銀三十萬兩官集十五萬兩商集十五萬兩先行試辦俟有利益擬酌提添設鑛化廠以暢礦務而廣利源其餘

官商按股分佔

一官本十五萬兩作一千五百股商本十五萬兩亦作一千五百股收九七川平紋銀一百兩股滿不復再收

一商股未集以前由官先籌銀六萬兩交總礦師購定機器給付頭批價銀等用其餘二三批俟商股集成即由商交總辦按期給付以省周折

一礦務總局設在成都一面招集川中商股再于上海設一分局招集外省華商惟奉制憲諭不收洋商股本蓋集股無多不須備重外人自失利權如有私集洋股冒充華股者查出勒令自行如數賠償不得抽動已入之股并另議重罰

一每股本銀一百兩按年官息六兩給股票一紙息摺一扣自交銀之日起算

一來否止認摺不認人倘股中有遺失票摺等事須先報局存案限兩箇月查寔再行另給票摺遺失者作為廢紙

一股中有佔本銀三萬兩以上者准其派人到局查帳惟往來夫馬無論官商均係自備局中概不開支辦公者不在此例

一自入股後礦務衰旺不能預知如在五年期內各股不得抽本倘因別故止准招人接替更換股票息摺萬一虧折官商均攤如五年以內獲利盈餘即行稟請 奏咨立案定為永遠官商合辦

一開辦之初應自招股購機之日起無論盈虧所費工本均係官商攤占以昭平允

一將來獲利盈餘局中新工費用外留二成以為推辦別礦股本其餘八成作十份均分以一份繳餉一份作總礦師紅股

一份作局中辦事人花紅此外七份官商按股分派

一局中辦事總宜少費者加意核寔擬由官委督辦一人由商薦官委督辦一人提調一人以總礦師充當此外駐廠委員一人司賬一人司櫃一人官商各派一人總監工一人礦師自擇倘有別項情弊均惟薦委人是問如不入局辦事無論官

商不准虛領乾修

一辦事各有專司始能嚴責成而杜諉卸局中一切公事應由督辦總辦和衷稟由制憲核奪督辦有他事暫以總辦兼之總辦有他事亦暫以督辦兼之每日均照常辦事庶免誤公至開礦採苗傾化定界雇匠購機各事則總礦師主之如礦場窩

遠不及回局商辦則先行徑稟制憲隨申總局存案收發銀錢則司櫃主之出入登記則司賬主之每月一小結每年一大結呈由總局查核鈔示股友功則同賞過則同罰倘有知情自白者從優獎勵其餘司事應用幾人臨時酌派

一擬購挖洞起重提水破石鎔化硫黃鐵金各機器並爐先行開辦甯遠麻哈紫各場各礦若辦有成效或別處採出新礦應

再隨時稟請照章推廣

一總局內購備中西各國之礦學地學化學算學一切有益礦務諸書及各國有名礦質與各項關涉礦務檔案均成局中以為參考之助

一轉運必先修路應如何辦法俟踏勘後再行稟奪興工

一擬修建電線以通文報自成都至寧遠由官獨辦自寧遠至廠由局辦

一天下之礦不同苗線有旺有弱有長有短有潤有窄成色有高有低故開辦之工程有難有易本力亦有多有寡如本局有辦不到之礦准土民集股稟由總局給示開辦改為某某商礦局以示區別然必須總礦師到該場勘過畫清線路界限安定章程不與總局違礙始准開辦若于界限外霸佔礦地或有礙本局所開之礦與附近土民先行開成之礦均應一律禁止

一總局願與商局合股與否由總局隨時酌奪倘經合股則商局所得利益按照各股一律均分至應如何繳餉由制憲定章抽收

一商局開採後或三個月內所辦工程不及兩個月或開見水石人力不能施以至停工便顯係本力不足應即稟由總局察看如果礦場尚有可採即准退歸總局招股接辦如無可採即行封禁不得久據零挖藉口阻撓

一商局內官應派委員一人在局稽查彈壓薪費概由該局酌送如有違礙爭論情弊由委員理斷倘委員剖決不公或有苛派等事准到總局自理

一有礦地未經本局踏勘新尋苗線帶礦來報者本局覆勘後化鍊果佳來報之人無論是否即係該山主土司均由局酌給勞費再由總礦師勘定線界繪圖存局如本局不及開辦有商願請承辦者所有本局踏勘挖深各費由承辦之人繳還如來報之人自願承辦先請礦師踏勘則夫馬由原報之人供給

一議在礦場適中之地由本局添設機器鎔化廠一所收買商局承辦五全之礦倘商不願賣礦許送苗到廠鎔化每百斤收費若干臨時酌定商局不得私行設爐用土法鎔化違者議罰緣土法鎔化不精諸多拋棄民間又無力自辦機器故官設總鎔化廠所以便民而利用也日後礦務推行漸速或不及運苗到廠本局應立分廠就近收鎔如一方相近之礦不足供分廠鎔化當由本局別添小機鍊成高色再運總化廠加法提淨所用工費若干概由該礦抽回至川外不屬之地送苗到局試鍊應加倍抽費

一 議設製鍊強水炸藥局一所以供取用不必專向外洋購運多費物力

一 總礦師承辦以五年為期期滿有效去留自便若決意辭去許薦賢自代所有修金若干由局稟請制憲酌奪惟所得之紅股一份仍歸開辦之總礦師名下

一 本局事繁應由總礦師招熟手礦務之員幫同辦理日後礦務推廣亦准添延礦師襄助

一 請援照漢河章程局內出力人員准照異常勞績三年從優保獎緣川省礦產皆在曠境層巒疊嶂雨多晴少各員工日夜從事於蠻烟瘴雨之鄉寔為非常艱苦若非豐薪優獎殊不足以示鼓勵

一 礦丁勤惰不一須勤以兵法處不致妄滋事端擬十丁一長十長一監工丁之勤惰責之長長之勤惰責之監工而均以總監工轄之果有加倍奮力之人由總監工隨時稟請犒賞情則獲之甚則送官懲之

一 設立官警局購備藥料如有意外失足傷斃等事傷則由官醫調治病亦如之斃則給棺木外酌恤錢若干

一 礦地偏遠且利之所在難保無意外之虞請派勇丁駐紮礦場並配給軍火以資保護

一 此次所擬章程不過僅陳大畧倘有詳細未周之處當由局隨時稟請變通辦理

湖南礦務總局章程

為出示曉諭事照得本總局奉撫部院 奏委辦理礦務現經刊訂章程揀選礦地次第開采惟辦法有一定不易之規亦有

隨時變通之處除俟體察情形再行妥酌外合行摘錄大要曉諭通屬各府州縣商民人等俾得周知以期疏利源而裕

國課切切特諭

計開

總局章程摘要五條

一 辦法 由官督辦不招商股者曰官辦招商入股者曰官商合辦由商請辦官不入股者曰官督商辦官辦官商合辦散由總局委員經理官督商辦者由商人自行經理惟分利給收砂護照或派員抽收砂稅釐稅

一 礦質 無論何種礦質擬請開採者均須先行呈報總局容驗有非民間所能開采者如硝磺安的摩尼別斯末斯景客爾

金砂等類歸官辦外其餘或應歸官辦應歸官商合辦應歸官督商辦均由總局隨時核地斟酌批示照行
一 轉運銷售緝私 所有官辦官商合辦及官收各種礦砂須運出銷售者由該礦局員分別運解各轉運局或省城堆棧收

存仍由總局辦理銷售凡各局中辦公人及商民人等均不得私運私銷由撫憲通札各釐局委員嚴行緝訪一經查出所運賣之砂概行折價給賞若局中辦公人等有串通知情等弊必再行分別嚴辦

一抽稅免釐官辦官商合辦官督商辦各礦均應抽稅惟創辦之初未能暢旺應暫免其抽收一俟稍有成效即行酌定稅則由撫憲彙案咨部將各礦業經抽稅者所有釐金概行豁免

一提紅所開各礦凡屬官辦官商合辦者每年除提稅提息提經費外所有贏餘應俟試辦一年後由總局於年終彙數核算酌提紅成若干分別攤勻以為各該地方善舉及各轉運局各分局廠紳員司巡人等與該地方出賣出租開墜依脈指定十里三里內業主獎資至各礦地方官營汛各員亦由總局於此項內酌派津貼稟請撫憲裁奪施行官督商辦者由商人自行經理不在此例

官辦章程摘要三條

一礦地由總局派員與礦師登山查勘如礦質果旺墳墓在某步外田地廬舍又皆無妨礙所有妨礙之墳墓田地應由官辦之時價優給外墳則量予遷葬礦地再行開辦該山除官地不論外若係民人私業照原契價從優契買入官礦地之外或有佔據之處或有妨礙地方亦量予優價酌買入官抑或業主自願出租亦可分別酌給租價按年計算再由礦師體量遇有大礦用機器開采者仿開平例依脈十里內無論何人之業均不得另開墜口其小礦用人力開采者依脈三里內無論何人之業均不得另開墜口均要指定一墜起算計里不得游移以圖多租地段

一礦爐現擬於省會擇地設立洋爐專錄所采所收之銀銅安的摩尼別斯末斯泉客爾等砂其煤礦石硝之類可以就各處提鍊者於該礦扼要地方另立爐局所有一切應辦事件即責成該礦委員經理

一嚴束丁勇援照滇南開平礦務例凡局廠准設枷答兩項刑具礦局轉運局廠遇礦丁局勇有不法之事或在外滋擾由委員督查審訊量予枷答如所犯過重及地方痞棍入廠滋擾者仍移送地方官究懲其有須調防營分駐彈壓者隨時酌量稟請

官商合辦章程摘要十一條

一礦地

一礦爐

一嚴束丁勇 以上三條與官辦章程同

一經費 由該礦委員於所集官商股本內儘數支用不得另行領款

一股份 由礦師查勘礦之大小須集股本若干以定股分多少每股定收者平足紋銀五十兩有由官指某礦招股者有由商集股請開某礦者均分作十成官三商七官四商六或官商各半臨時再行酌定如本礦日後或以擴充工程或因一時虧折須加增股本儘先有之股按股酌派如均不願增加或有增加而仍不足再行另招別人

一招股 凡指礦招股之處由總局酌定股數後或就近准各商民赴局入股發給實收或由總局擇該礦地方公正富紳交實收令其招集並飭該地方官出示曉諭商民以杜假冒其未經出示曉諭之處遇有不法之徒招搖撞騙准商民拿獲稟究

一填給實收 凡入股者將銀繳足後即發給局印實收一紙注明本人姓名籍貫暨某縣某礦股數若干繳銀若干經收某所經手某人一俟招足後由總局調查實收存根一律按開辦年月填寫股票起息准各商民隨時向經收股銀處換票

一股票 每股給票一紙票內註明某山某礦暨本人姓名籍貫與實收同其股銀不論多少有無夥伴湊集總局祇認票上

一人若本人身故或將股票轉售別人准赴局呈明更換不得抽回所入股銀並以別個人頂替

一股息 每年年終將本礦出入總結一次官商股本均按數提息入彙商股由總局發給印摺以憑向某處領訖支取

派股商入局辦事 凡由官指某礦招股由商集股請開某礦一俟收銀全數彙齊後應儘股份多者出名保薦一家實股

定品行端方之人出具切結聽候總局酌量札委辦事並准濫用司事數人以昭公

一贏虧均攤 該礦除提經費及提稅提息提紅外所有贏餘若干官商照股勻攤若有虧折亦一律派認

官督商辦章程摘要四條

一礦地 商民采得可開之礦由本人覓保選稟總局或由本人稟明地方官轉詳總局由局訪察其人果係殷實老成乃派員前往登山查勘果於附近墳墓在禁步外田地虛舍又無妨礙方准開采該山係民人私業任本人與業主租賃若係官地或歸官商合辦或另抽地稅臨時酌辦

一局帖 商民稟請開辦經總局核准之後即由該商赴局呈請發給局帖以為信據無論何礦不在此例及礦之大小每帖一張繳費銀一百兩整

一領帖請委員之礦 凡銀銅鉛礦商本充足能自開鑛提鍊者自領帖後准其設立土爐性開辦之初暫停抽稅一俟砂旺開鑛後由總局派員駐廠不在此例 撫憲酌定稅則抽收砂稅爐稅其委員司事人等薪水及巡勇工食局用雜費每月至多以銀百兩為度均由該礦按月提發此外毫無浪費

一領帖不請委員之礦 凡銀銅鉛礦商力僅能開米礦砂者先由該商攜帶礦質來總局化驗再行呈請開米繳費領帖自領帖後即由總局更番發給收砂護照仰該商將礦所采之砂分起運解省城照時價運腳公平收買並於價內扣收砂稅其砂該商不得攪和壞質自塞銷路並不得私行運賣致干查究或以運解省城為不便請於附近官辦官商合辦各委員照時價收買者臨時再行核奪

商民已開各礦分別辦理章程三條

一銀銅鉛等礦於未 奏辦礦務以前已經商民領帖開采由州縣抽收砂稅爐稅者自此次判定章程之後均須將帖赴總局驗明以便札飭地方官改由總局收稅方准照常開辦其未經領帖之礦應即前赴總局呈請局帖繳領費銀一百兩其砂不能自行提鍊准照前領帖不請委員條內辦理其已設爐提鍊者仍應令備委員經費呈請總局派員抽收砂稅爐稅違者查出重究

一鑄鐵砂水銀雄黃各礦已經商民領帖開采由州縣抽收砂稅爐稅者辦法如前其未經領帖者應即赴總局報明呈請局帖繳費銀一百兩并由總局相地立法抽稅方准照常辦理至所采之砂由該商自行運銷官不收買

一尋常煤礦向經商民開采於墳墓無妨確准其照常辦理無庸報官領帖惟用機器開挖及設洋爐指鍊其則須呈明總局核准給帖派員收稅方能興辦

查勘萍鄉煤礦情形條陳

茲將帶同礦師勘明江西萍鄉縣煤礦情形分晰開列於左恭呈鈞鑒

計開

一萍鄉煤礦發源共有兩處一在縣治西北之陽岐山一在縣治東南之武功山岐陽以北至上蒙市一帶所產之煤可鍊焦者十居三四土人現於爛泥湖觀音岩蓮花等處初次開挖故暫時難期暢旺若能加以擴充再開河下裏竹篙林各處每年共可得油煤兩三萬噸該處距城八十餘里離湖南瀏陽縣境二十里取煤工作之人半係湘民且該處一日不能往返

揮積勛

面之願令及紳董均謂未便偕同洋礦師前去查勘故僅飭礦戶將各窿煤樣送局化驗以昭慎重至陽岐山以西之蕉源庵庵坡裏仙岩石密榕窩花坑坡等處曾經前來辦委員歐陽柄榮據化學生試驗磷礦較重合煉者甚少此陽岐發源西北兩路之實在情形也至武功山發源一帶縣延百餘里有高坑經龍家冲紫家冲小坑裏天滋山雙峰四五坡下至義下冲止為東路由小金山經張公塘岩嘴寨錫坑風車凹壩善冲之坵田五公頃至安源止為南路總計大小煤窟五十九座每年約出油煤十餘萬噸其中成輕能鍊焦者十居八九最佳者可與開平焦炭相伯仲此武功發源兩路煤礦之實在情形也

一萍鄉產煤向有兩種一曰白煤供民間新鑿之用每年約出二十萬噸一曰油煤可煉焦炭每年約出十餘萬噸

一煤苗之厚薄東南各異東苗第一層曰水石板礮厚一尺二層曰大石板礮厚一尺五寸三層曰大礮厚四尺五寸四層曰硬子礮厚一尺五寸五層曰白花礮厚四尺南苗第一層曰老礮厚一尺五寸二層曰裂皮礮厚二尺五寸三層曰大礮厚五尺四層曰大底板礮厚三尺五層曰小底板礮厚二尺總查東南各窿取至二百餘丈僅及第三層大礮者約五分之一而深挖至第五層白花礮者僅龍家冲之昇福井一處

一訪問萍邑開煤老戶云煤有深至十五層者每隔至二三層或遇水廢棄且至第六層下石壁有厚至一二丈者此人力難施如能用機器鑿開石壁則煤又可層出不窮矣

一萍俗一山產煤租買者多至十餘業戶零星開挖因之向無大井彼此隧道相遇便起爭端動至因訟停工即如現今三家冲之多福井與沙子界之平福井構訟停挖故煤窿雖夥而出煤無多

一東南一帶有水廢窿統計大小四十八座產煤最稱上品每因開至二百餘丈至第三層煤是水停挖深為可惜如能將吸水機器屏去積水每月約可出油煤七八十噸

一萍邑煤窿在山腰者為斜井在山麓者為橫井並無直下井口起重機器一無所用聞之礦師云窟內宜用小鐵軌運煤取之人力為易

一萍煤鍊焦頗為得法推原出焦不多之故皆因爐座太少此次下鄉逐一查勘大磚爐已成者計共二十四座每月統計出焦七八百噸外尚有土造八卦爐二十餘座所出焦炭較磚爐為遜如欲焦炭多出必須飭各井戶將土爐廢棄多造磚爐如有資本匱乏無力改造者由該承辦總商借給資本並飭各立合同此後改造磚爐所出之焦概歸鐵廠收用不准私售